



力而自免其少退也則鼓鯁濡沫
有似屈體而求哀嗟乎勢牽於人
道窮乎我將欲以下座而歌馮子
又安能中轍而呼莊周哉余乃祝
之曰猛獸搏也拘於檻奔鷲鳥攫
也繫於籠樊素龜靈也被髮阿門
白龍神也挂鱗且網何不泥潛而
穴處何故貪餌而吞鉤乎於是放
之江流盡其生生之理也時同行
者顧詰余曰夫至人之處世也擬
迹而後投隱心而後動終始不易
其業悔吝不生其情而吾子沈緡
於川登魚於陸烹之可以習政術
羞之可以助庖厨曩求之將何圖

今捨之將何欲余笑而應之曰聖人不凝滯於物智士必推後於時知機之謂神含生之謂道殷乙聖人也囚於夏孔丘賢人也畏於匡且夫明哲之資尚罹幽憂之患况乎鱗羽之族能無弋鉤之累哉故曩吾有心也恐求之而不得今吾無心也使得之而忘求夫求與捨不亦雙美乎烹與羞不亦兩傷乎况療飢者半菽可以充腹為政者一言可以興邦亦何必因小鮮而後明三異之規勦大命而後冀一食之飽擒而不殺可不謂仁乎獲而不饗可不謂廉乎且夫垂竿而

為事者太公之遺術也形坐磻溪之石兆應渭水之黃夫如是者將以釣川耶將以釣國耶然後知古之善釣者其惟太公乎又有妙於此者其惟文王乎天文王制六合為釣懸四履為餌筮之於清廟投之於巨川一引而獲太公再舉而登尚父由此觀之蹲會稽而沈摑者鮑肆之徒也踞滄溟而負鰲者漁父之事也斯蓋眇小者之所習安知大丈夫之所為哉出駱賓王釣磯應詔文○白蟻駮耳之得康莊○黃鍾元間登清廟○西子毛嫱之蹈後宮○蛟龍之騰於天淵

也出柳宗元答問○漢徒山東豪
富兼并之家以奉國邑凡百二十
四萬戶又南北東西軍及匈奴雜
虜以國衆來歸者仰給於漢未聞
嘗俟輓於吳越而後給也今以三
十千人食勞輸江淮歲貢三十萬
斛迎流陵險覆眩敗輒不得十半
自渭以東督稽之官凡四十七署
署大吏不下百數歲費錢千萬爲
數而部吏舟傭相踰爲姦鞭撻流
血酸苦之聲相聞禁錮連歲不解
歲千餘人雖赦宥而獄死者不可
勝多矣甚非聖人之所牧人也出
沈亞之解嘲○操太阿以烹小鮮

飛夜光而彈伏翼灼金龜兮訪兆
邀玉騏兮騁力○安其性命之精
出盧照隣悲才難○立身則淹中
不足言其禮揮翰則江左莫敢論
其詩○五府交辟三臺其推又
悲窮○超班匹賈舍鄒吐枚出又
悲今日○大夫之爲臣千萬臣千
萬年其誰肖出劉蛻弔屈辭○悵
二妃之淚竹圓紅滴滴兮臨乎煙
泣竦枝與脩幹兮吟哀風之不已
搖勁節而錦舒兮垂高蔭而自美
招翔鸞之與翠鳳兮緝晴霞之數
里繁柯重乎舜祠兮瘦影疊乎湘
水諒高節之自任兮匪庭篠之云

比鄙衆陰之延接兮耻凡羽之棲
 止入清溪之浪聲兮無笙簧之相
 擬恨葉翻波兮騷屑之風露滴煙
 蒙兮濯纓之子悵靈均之節兮依
 然想貞姿兮千年若此出又哀湘
 竹○冬謝春歸暑闌秋至○作易
 者其有憂患乎刪書者其有栖遑
 乎國語之作非瞽叟之事乎騷文
 之興非懷沙之痛乎出盧照隣釋
 疾文○鬱律崖岫兮似崑陵之玉
 石泮奐粲爛兮象星漢之昭回爾
 其為曠也碧海雲蒸而地合爾其
 為峻也赤城霞起而天開○通李
 膺而竊價造張華而假名郭林宗

聞而心服王夷甫見而神傾○明
 主以令僕相待朝廷以黃散為輕
 ○訪高議於雲臺考奇文於石室
 出盧照隣粵若○宋玉之九辯王
 褒之九懷劉向之九嘆王逸之九
 思其為清怨素艷幽快古秀皆得
 芝蘭之芬芳鸞鳳之毛羽也自屈
 原已降繼而作者皆相去數百祀
 足知其文難述其詞罕繼者矣百
 世之下復有離騷章句者乎出皮
 日休九調系述○粵吾秉志兮繫
 於瑾瑜芬其德而芳其道兮榮於
 薜蘿出又捨慕○能翔窈窕之思
 善感物態出沈亞之乞巧文○鷗

巢甲兮漁箔短出陸龜蒙迎朝○
 流萬歲之響四溟受福天下稱泰
出謝偃玉謀真紀○非不雨也非
 不不雨也○囊篋日月管鑰風雨
 不不雨也○囊篋日月管鑰風雨
 出歐陽詹唐天志○仲尼師於郊子
 文王學於號叔出唐太宗金鏡

卷第三十五

漢文帝于未央宮求明殿畫古者
 五物出文帝三年求明殿畫屈軼
 草進善旌諗木諫鼓解豸○微臣
 不勝鳧藻之朴出盧植畫諫○周

之伐讞狃也以斥逐為心不常事
 之故進則遄征退則息兵致其邊
 鄙無備壁壘不營此乃周之謀失
 於不固矣漢之討匈奴也乘時之
 豐恃兵之雄深入窮荒莫計遠邇
 故雪山青海皆為內封其後財匱
 力殫厥功不就遂交和親之好斯
 為漢之謀失於太廣矣唐有天下
 邁于周漢一家其六合一心其兆
 人唯茲犬戎未能無患當開元中
 有將臣善於攻戰振張星威殲殄
 醜虜自秦地而西有地數千里此
 則展拓周疆剪截漢域所謂廣袤
 得其中矣出陳黯代河湟父老奏

○晉室南遷制度草創未嘉之後
 器風未除廷臣中猶以謝鯤輕佻
 王澄曠誕競相祖習以爲高達卞
 壺厲色於朝曰帝祚流移社稷傾
 蕩職茲俘僞致此隳敗猶欲崇慕
 虛誕汚蠹時風奏請鞠之以正顏
 俗王導庾亮抑之而止噫西晉之
 亂百代所悲移都江左是塞源端
 本之日也猶乃翼虛駕僞宗扇佻
 薄躡諸敗跡踵其覆轍以至躬立
 朝綱基構王業何異登膠船而泛
 巨浸操朽索以馭奔駟乎設使從
 卞壺之奏黜屏浮僞登進豪賢左
 右大法維持紀綱則晉祚亦未可

量也其後王敦作逆蘇峻繼亂余
 以爲晉之亂不自敦峻而稔於導
 亮出揚夔原晉亂○誰能窮理盡
 性通幽洞微爲吾補三墳之逸篇
 脩五典之墮策重爲聖人之經
 者哉出皮日休十原系述○奕之
 爲藝也彼謀乘之害也欲利其內
 必先攻外欲取其遠必先攻近詐
 也勝之勢不城池而金湯焉負之
 勢不兵甲而奔北焉勝不讓負負
 不讓勝爭也存此免彼存彼失此
 如蘇秦之合從陳軫之遊說僞也
 若然者不害則敗不詐則亡不爭
 則失不僞則亂是奕之必然也雖

歲在癸卯

卷二

大五字

奕秋荐出必用吾言焉出皮日休
原奕○內涵虛心外分朗鑒出姚
崇鏡誠

卷第三十六

身挂元冕心冥真如昔嘗奉般若
法以弘正見雖顯沛造次心與經
俱出獨孤及金剛經報應述○膏
雨之降也適然唯賢者之生時也
亦然運相合旱苗仰其澤顛顛之
人賴其力傳說甘盤尹吉甫管夷
吾之類也時弗合膏雨降雖終日
賢哲生雖比肩旱苗之不救百姓

之弗賴顏子子思孟軻董仲舒之
類也故賢哲之生自有時百姓之
賴其力天也不賴其力亦天也出
李翱陸欽州述○勲庸滿世文翰
飛走續鎮南海作民父母○天霜
降寒出陸龜蒙祝牛宮辭○黃歷
開璿○東雲千呂○山稱萬歲河
慶千年出盧照隣登封歌○洪源
誰孕疏為江河大塊孰挺播為山
阿出皮日休齊夏○利以勸天下
利盡而天下畔道以歸天下道薄
而天下去出劉蛻山書○祿無常
荷荷于仁福無常享享于敬出白
居易補逸書○古之取天下也以

在宋兆
古之取天下也以
小三百五十五字

民心今之取天下也。以民命。唐虞尚仁。天下之民從而帝之。不曰取天下。以民心者乎。漢魏尚權。驅赤子於利刃之下。爭寸土於百戰之內。由士為諸侯。由諸侯為天子。非兵不能威。非戰不能服。不曰取天下。以民命者乎。由是編之為術。術愈精而殺人愈多。法益切而害物益甚。嗚呼。其益不仁矣。蚩蚩之類。不敢惜死者。上懼乎刑。次貪乎賞。民之於君。猶子也。何異乎父欲殺其子。先給以威。後啗以利哉。孟子曰。我善為陳。我善為戰。大罪人也。使後之君子。有是者。雖不得土。

吾以為猶土馬。出皮曰休。讀司馬法。○心治乎人也。功治乎水也。其可獨禹云乎。出劉蛻禹書。○絕壑萬丈。巖巖龍吟。玄雲遂興。六合為陰。碧出吹空。虎嘯其中。百獸悍慄。欽然長風。出李觀交難說。○高姿傑然。若陵重秀。出符載植松論。○貞哉。蘭荃歟。遲發舒守其元和。雖齊而茂也。假雜壤亂天。真雖沃而斃也。出揚夔植蘭說。○妙哉。嵇生之為是曲也。其當晉魏之際乎。其音。西主秋聲。秋也者。天將搖落。肅殺其歲之晏乎。又晉承金運。商金聲也。所以知魏之季。而晉將代也。

歲在柔兆

卷二

七

小三百五十五字

慢其商絃而與宮同音是臣奪君之義也此所以知司馬氏將篡也司馬懿受魏明帝顧託後嗣反有篡奪之心自誅曹爽逆節彌露王陵都揚州謀立荆王彪母丘儉文欽諸葛誕前後相繼為揚州都督咸有匡復魏室之謀皆為懿父子所殺叔夜以揚州故廣陵之地彼四人者皆魏室文武大臣咸敗散於廣陵故名其曲焉廣陵散言魏氏散自廣陵始也止息者晉雖暴興終止息於此也其哀憤躁蹙懣懣痛迫脅之旨盡在是矣永嘉之亂其應乎叔夜撰此將詒後代之知

音者且避晉魏之禍所以託之神鬼也出韓臯廣陵散解○余為書殿學士四年所與居皆鴻生彥士○求一言以生羽翼○始自黃帝伏蚩尤終于隋氏平江南語春秋戰國事最備磅礴下上數千年間其攬撫評議無遺策出劉禹錫魏生兵要述○予以尚書洪範篇書于縑素施于屋壁有客覩之而言曰此其所謂君人之大法武王所以繼三為明蓋能盡心于是也苟將諸吾君列乎鳳辰之右足以興三代之理予乃條其事為章以奏之出盧碩洪範圖章○元和九年

旱不周畿斗位直午祝融權威焦
 金燦石火雲犇馳雄獸造足捷鳥
 不飛太陰厄薄雨龍慵癡有泉涸
 源有木折枝有地文裂有草戕萎
 炎光鬱洞太陽赫曦田莫可牛稼
 莫可鎡瞻彼雲漢萬民莫綏出周
 墀旱詞○業宇流正鑑識通允出
 沈文季○加侍中○志器淹通識履
 詳正出崔慧景○加侍中詔○康哲
 淵深道風清邈○德宇夷曠○鑑識
 凝遠○光贊緝熙穆茲景化出王
 亮王瑩○加授詔○志業清敏器尚
 夷通○理識閑悟思懷韻警出臨
 川王子晉南康侯子恪遷授詔○

居中作衛○任總儲宮○器度淹
 弘志局詳隱出王茂加侍中詔○
 含和育粹特表人師懸解精通見
 期王佐立言布文武之用定策勵
 忠公之典才冠代而不有公至天
 而若虛○萬事必理一心從義以
 觀其獨伯起慎於四知常得其真
 叔敖謹於三省宣大號於紫宸潤
 昌圖於清禁出蘇頌授張說中書
 制○黃門天之紫微地在清禁○
 河山粹氣禮樂清英○詞必體要
 行之自遠學以窮微志於可大○
 朕之欽者管樂人之傑者蕭張○
 邦是用義朝惟得賢出又授姚崇
 歲在壬午
 大五字

卷第三十七

司量宏深理識精遠出李嶠授于
惟謙給事制○有恒其操出蘇頌
授于經野給事制○貞獨不羣出
又李懷遜給事制○文儒是百行
之資翰墨當一時之妙出孫逖授
褚廷誨給事制○駁議之職出賈
至授裴遵慶給事制○有冉季之
政事兼應劉之詞藻○左曹樞近
爰司駁正出又崔寓給事制○宜
擢拜於青瑣俾駁議於黃樞出又

張孚給事制○顧茲掖垣素用髦
彦文昌奏議多所論駁出常袞授
崔侁給事制○純白高朗儒林表
儀炳文揚彩時謂清拔○其於事
典多所精詳○評南宮之上書次
東廂之奏事夙夜思職爾無面從
出又趙洵給事制○學以辯疑文
以決滯出又授韋諤給事○王在
涅而不緇金投火而彌勁○我有
絲綸期汝論駁出崔嘏授崔壽給
事○奕代雄詞身濟其美光時雅
量士慕其風出蘇頌授薛稷諫議
大夫制○雅思周密素風清曠出
又授吳兢同上○古者署掌諫之

歲在柔兆 卷第三十七 小三百四十九字

官立司過之史所以書君舉箴王
闕○雖渾齊萬物獨諧於清真而
博通九流兼達於儒墨出孫逖授
尹悖諫議制○書曰后德惟臣不
德惟臣實賴左右前後有司過
匡其不及天子有諍臣職在司過
若有犯無隱獻可替否則曠然不
變時惟休哉出常袞授李收同上
○昔汲黯願出入禁闥補過拾遺
則諫諍之任實資諒直出李德裕
授元晦同上○精求納諫之臣授
我藥石之語而天官正郎地連藻
鏡職佐銓衡必資明幹之才以副
經通之目出崔嘏授姚勗同上○副

思會風雅文成典暮出蘇頌授王
丘紫微舍人制○行標純一材蘊
經通出王丘授裴敦復中書舍人
制○學行自中直形外明而能
晦簡不違謙始方蔚於文章終激
揚於吏道出王丘授崔翹中書舍
人制○茂學懿文潤色訓誥體要
典麗甚得其宜施之四方朕命惟
允況中立不倚道直氣平介然風
規有光近侍出白居易授裴度同
上○端厚和敏飾以文學温良忠
敬得侍臣之風自列內朝兼司誥
命事煩而益密職久而彌精六年
于茲勤亦至矣況小大之事常所

歲在癸卯
卷之五
二十三
小三百五十五

訪問盡規極慮弘益居多出又授
 崔羣同上○參掌宥密斧藻訓誥
 侍立於文陛之下揮翰於禁署之
 中非第一流不在其位出李虞仲
 授賈鍊中書舍人制○操履堅明
 雄文炳蔚虛懷曠達雅思冲深立
 言嘗見其著誠秉志頗聞其經遠
 ○便蕃禁掖潤色王猷君不可以
 私其人臣不可以虛其受出又授
 李激給事鄭涵中舍制○咎繇作
 士暮明以贊至理定國持刑公平
 而昌後嗣使匹婦無實霜之嘆遐
 氓離束濕之冤陰陽氣和手足可
 措必在乎理獄之官明慎用刑哀

矜守法出崔嘏授李訥中舍大理
 少卿制○敏於內而秀於外其發
 也為文章出又授王鉅中舍制○
 觀其書詞夙絕塵滓褒貶盡春秋
 之要領旨歸決訓誥之源流傳聞
 四方平視三代而秉守甚正韜藏
 有程介然獨行卓爾清峙出薛廷
 珪授錢翊守中舍制○詔今之重
 潤色攸難其文流則失正其詞質
 則不麗固宜酌風雅之變參漢魏
 之作發揮綸音其在茲乎出常袞
 授庾準楊炎知制誥制○中臺草
 奏內庭掌文西掖書命皆難其人
 也非慎行敏識茂學懿文四者兼

之則不在茲選○應對必見於據
 經奏議多聞於削藁○白居易授
 錢徽知制誥制○伊爾烈考勞王
 人者其後必大伊爾烈考勞王之志
 家出有平寇之功入有致君之志
 式多令嗣以承清基○中蘊明敏
 外涵清和藹然君子之風鬱有賢
 人之操動必知機靜而適道大玉
 之韻清越以長小山之姿貞芳自
 茂出崔嘏授裴諗制誥○理識清
 暢襟靈夷雅探學精微屬詞婉麗
 出蘇頲授韓休起居郎制○左史
 記事君舉必書先王之制也晉則
 董狐書法不隱楚則倚相能讀典

墳善惡成敗實由其本○緒業清
 純言行惇敏出賈至授裴綜起居
 郎制○載筆赤墀之下掌禮曲臺
 之中注記行而鉛槧是資褒貶當
 而搢紳知懼顧茲所職豈易其人
 出崔嘏授崔瑤同上○言芳蘭芷
 行温珪璧出李嶠授劉如玉右史
 制○雅淡不羣清真自遠立心有
 恒常慕直臣之節書法無隱可稱
 良史之才出蘇頲授洪子輿起居
 舍人制○左右史正用第一流其
 選始精於尚書郎也今東觀諸儒
 皆約注記而脩簡冊事之當否多
 取正焉出常袞授孔述睿同上○

歲在癸卯

卷之二十一

小三百五十四字

書云臣作朕股肱耳目言天下不
可一人理也今國家崇建執事以
任股肱妙選侍臣實司耳目股肱
良則心膂正耳目審則視聽明苟
非端人何以近我○潔靜精微風
流儒雅名因道勝信在言前出元
稹授沈傳師舍人制○一日之中
三加新命出白居易授元稹中書
舍人翰林學士制○天籟無器大
球不磨○揖黃憲而福兇不生觀
汲黯而風神自整今時方無事政
在和平外付股肱內倚心腹必冀
協恭以奉上無偏聽萬務攸繫朕
時賴

之出李虞仲授王源中戶部侍郎
制○討論而功垂無窮潤色而言
流有截嘉績早著雄文風翔○氣
舍制○天下為公選賢與能也況
乎拔出流輩起侍帷幄豈唯獨以
文學止於代言亦乃密參機要得
執所見出杜牧授庾道蔚李文儒
翰林學士制○文也者性之表也
積中為性發外為文冠乎妙用之
先繫彼化成之大而文之雅奧本
具典謩所以教誥萬方昭明百度
代我而作求之必公出錢翊授張
玄晏翰林學士制○稟象緯之英

歲在癸卯 英華二卷 一百一十五字

姿得乾坤之秀氣器業事望鎮于
 周行出薛廷珪授崔汪崔涓李磻
 知制誥制○器識夷遠風鑒清奧
 出沈約授王亮左僕射詔○風雲
 玄感川嶽粹靈學綜九流文窮三
 變出蘇頲授劉幽求左僕制○有
 大賂南金之貢有浮泗達河之漕
 事多弘濟人不疲勞淮海晏然朕
 實毗倚出常袞授崔圓左僕制○
 有張仲孝友之行有吉父文武之
 才出又授令狐彰右僕制○精潔
 惠和出賈至授徐浩尚書左丞制
 ○昔太宗文皇帝嘗謂尚書丞百
 職網維事失中則天下有受其弊

者因命戴胄魏徵杜正倫劉洎輩
 繼領是職分居左右職脩事理人
 到于今稱之故吾前命崔從持左
 綱今命承宣操右轄出白居易授
 庾承宣尚書右丞制○軒裳積慶
 文學澡身黃鍾涵待叩之音青萍
 蓄善割之利出崔嘏授崔蠡尚書
 左丞制○尚書萬事之本選部五
 曹之右以掌邦典以掄官材漢魏
 以來多用宿儒高德蓋重其任也
 ○博學而識前言懿文而知大體
 ○日新之美歲晚彌彰自陶鎔於
 元和丕嬰拂於俗務出常袞授裴
 遵慶吏書制○載其清靜濟我艱

難出常袞授劉晏吏書制○朕嘗
考易象否泰之說詩人雨雪之作
知君子消長之際繫王者政理之
端出錢翊授劉崇望吏書制○明
德為章懿文成範事君之節貫忠
貞於四時應物之誠調惠和於一
氣○俾謀猷於七兵仍啓沃於三
事出孫逖授李林甫兵書制○朕
有臣李絳猶漢之汲黯也○元稹
授李絳檢校右僕兼兵書制○中
出而靜可謂達於樂乎外作而文
所以深於禮也出錢翊授陸扆兵
書制○浩然正氣充塞乎星辰之
間卓爾神光瑩徹乎星辰之表出

薛廷珪授劉崇望兵書制○司徒
之官實掌邦教常伯之佐先求國
華○器無不綜合清明○以見微言
有可觀負忠謹以居直○百郡仰
其承績三臺推其故事○姦豪懼
秋霜之威孤老懷冬日之愛出蘇
頊授畢構戶書制○天作機衡實
為比斗朕之喉舌其在南宮○踐
仁履義抱質含文出李嶠授盧欽
望刑書制○王命司寇汝作士師
允迪政刑旁求望實出蘇頲授李
義刑書制○六卿分職朝選猶難
三典佐王邦寄尤重○識無不通
俎豆兼於軍旅行有餘力文學資

續資治通鑑長編卷之九十五 小三百四十八字

於政事出孫逖授裴敦復刑書○
 恬淡之性足以抑退浮華微明之
 識足以激揚淹滯出又授陸景融
 吏侍○以激揚淹滯出又授陸景融
 莅事無難有龍泉之斷割出又授
 張均兵侍○堅貞懷匪石之心果
 斷有制鍾之利出又授李彭年兵
 侍○士師臯陶之恤刑司寇蘇公
 之用獄既盡哀敬能致治平擢為
 大僚膺茲慎選○道臻八元名高
 兩獻出李嶠授建昌郡王攸寧冬
 官尚書制○參貳百揆樞衡九法
 是司邦政尤切帝難出又授唐奉
 一兵侍○司空之職以平水土常

伯之任尤重臺閣出蘇頌授劉知
 柔工書○程品之重有若百工號
 令之先尤難六職出常袞授崔渙
 工書○今之尚書漢之公卿也言
 動可否屬人之耳目焉固不專於
 率四屬程百工備位於冬官而已
 出白居易授韋貫之工書○風塵
 之外獨秀瑤林清白之中常懸水
 鏡出蘇頌授盧藏用吏侍○吾聞
 孔子曰古之聽獄求所以生之今
 之聽獄求所以殺之宜念格言深
 思倫要出杜牧授畢鉞刑侍○素
 履內融清暉外徹出蘇頌授徐彥
 伯二侍○乘彝向晦金璞自明當

歲在壬戌

卷二

二十三

劇居難千將獨割出常袞授裴倩
 度支郎中制○周制食人以辦於
 邦用廩人以待乎匪頌後代或均
 輸或平糴皆周官倉廩之職也於
 戲王者藏富於天下吾何私焉收
 斂以時儲蓄必謹俾夫凶荒無患
 貧富克均宜誅京坻之詩勿守豆
 區之限出劉禹錫擬倉部郎中制
 ○周以司會質歲成漢以計相圖
 國用或考百官之要或制二年之
 期稽以簿書辨其名物俾夫會筭
 必得經費無差克選望郎以臨計
 吏出又授北部郎中制○佐夏官
 之劇參戎事之殷出常袞授邵說

卷第三十八

兵部郎中制○佐夏官理邦國○
 辨九法九伐之重輕稽五兵五楯
 之衆寡非踐元稹授蕭祐兵部郎
 不在茲位出
 中制○洽聞彈見履直居温士慕
 清暉人推至行出蘇頲授高仲舒
 都官郎中○周以司徒莅職漢以
 侍郎訓出劉禹錫屯田郎中制

襟情雅正出蘇頲授柳渙左司員
 外制○罔有擇行未嘗近名出常
 袞授鄭叔則吏部員外○六官之
 屬選部郎首之歷代以來諸曹郎

此字係先
 卷之三十八
 六十五字

之中擇其踐歷久考第高加以有
 器局律度者遷焉出白居易授李
 建同上○雅志冲澹敏識精達出
 賈至授邢宇司封員外○荆王韜
 含章之美霜鍾蓄待叩之音出崔
 暇授馮韜同上○清真不雜恬雅
 自居出蘇頌授李元絃度支員外
 ○胡頴清貫籍甚芳猷出又授陳
 惠滿倉部員外○學行薰茂藻思
 清新出賈至授李莘禮部員外○
 往以淑問嘗為理官出李德裕授
 徐商同上○精力於學五經之大
 儒覃思於文三變而合雅出常袞
 授褚長孺祠部員外○學義精深

詞華絢麗出又授崔殷刑部員外
 ○予曰罪爾勿罪予曰寬爾勿寬
 問法何如無即上意出杜牧授李
 朋刑部員外○代重一經之業家
 承萬石之風理義精微行歸純至
 麗以文藻振以英華出常袞授苗
 發刑部員外○清白嚮正藝實揚
 名出薛廷珪授沈栖越同上○玉
 讓其温華山挺其芳茂出崔暇授
 李渾北部員外○司國計者統天
 下之財貨量入以為用在於賦有
 餘也事歸一途故必取其強力多
 聞分掌簿籍俾操剗無滯精明莫
 欺出又授高弘簡度支○禮秩之

官草儀於朝廷之內四方之所觀
 聽出元稹授崔紆員外○奕代儒
 雅風襟育棹詞韻合清出蘇頌授
 王琪水部員外○正色而自具陽
 秋立誠而不憊風雨出又授宋璟
 御史大夫○檢齊霜憲弘長風猷
 出又授李傑同上○直方孤聳清
 迥特立出又授李懷讓中丞○秋
 風始擊每勵鷹鷲歲寒後凋斯見
 松栢出又授張越侍御○執儀三
 獨肅端百寮出張九齡授盧絢中
 丞○立我明庭號為端七出薛廷
 珪授獨孤楨中丞○御史府居朝
 廷之中傑出他署蓋以圭表百吏

糾繩四方故選其屬者必在堅明
 勁峭臨事而不撓不濁獨取謹厚
 溫文脩整咨度而已出崔嘏授蕭
 鄴監察御史○貞夷粹溫精密純
 固○在昔唐典惟清乃命洎于周
 官以和為重出蘇頌授姜皎太常
 卿○舜以伯夷作秩宗漢以列侯
 掌郊廟至於國丘大射之制言
 博士之論莫不綜詳得失而
 曰伯父叔季幼子童孫在焉者
 必命師長以才行聞之元稹
 號王道太僕少行聞之元稹
 尤殷於理出蘇頌授韋玠司
 少卿○姿澹雅操無欲無營
 歲在癸兆

古今通纂是也今國家上法三代

下法兩漢時文降殺皆有舊章今

亦重士非欲草具儀法但使提舉

考官而已出社教授蕭峴常備○

氏之職訓於奇子儒林之選○

蘇道授楊嶠蔡西○乃特授聖文

學所製幸末監長必在元吉出

歌器之不盈蹈美裳之元吉出

廷珪授楊俊同上

化其士卒皆為君子之書出薛運

珪授契苾璋威信上將軍○大將

卷第三十九

軍齊之三公執金吾漢之中尉或

分黃麾坐正殿之前或佩橫刀立

天子之側親近寵貴莫與之京出

又授劉思謙驍衛李瓘金吾○周

禮命卿六師成務漢圖拜將三傑

雄材○衛青奉法必讓其功師丹

守正每聞其直出蘇頌授周仁執

左羽林大將軍○周設七萃漢列

八屯皆以拱衛王宮肅嚴徼道出

白居易授鄭何右衛將軍○將我

南軍擅美春儲之宋出常袞授吳

湊左金吾○朕每視朝執金吾率

其仗衛陳於陛前退則與大京兆

禁暴詰姦以清轂下出錢翊授陳

錢翊授陳

小三百五十四字

班右金吾○才推燕趙之士學究
 孫吳之書○白居易授劉悚驍衛
 ○國之武士其盛如林朕之賢臣
 其貞匪石則可以制軍而作訓也
 出蘇頲授許輔虔左羽林○天子
 六軍必有材官飲飛超乘挽疆之
 士在焉董之以威待之以信分八
 舍之衆寡均二廣之勞逸不吳不
 揚不掉不挫皆將軍之令也李太
 亮上直禁中而文皇甘寢出元積
 授于季友羽林○軍有羽林用法
 星象統之瓜士以拱宸居出白居
 易授羽林將軍李彥佐兼御史中
 丞知軍事○宗室良翰朝廷碩老

出孫逖授王禕太子太師○君臣
 之道欽若從義師保之寄人具爾
 瞻出蘇頲授唐休璟同○贊翼
 皇諸出前人授岐王範太子少師
 ○東朝保傅歷代尊崇漢擇名儒
 任先疎廣晉求耆德選在山濤實
 資六傅之賢用弘三善之道出白
 居易授嚴綬太子少傅○貞萬國
 者必在於元良教三善者是求於
 端士出孫逖授崔琳太子少保○
 積溫厚之氣暢清純之風學綜幽
 願詞舍比興出蘇頲授鄭惟忠太
 子賓客○古者選孝悌開博有道
 術者輔翼太子今以宗室之老處

師賓之位亦親親而教敬也○年

在華皓未嘗衰墮○出常衮授嗣吳

王祗同上○羽翼元子賓遊東朝

出元稹授孟子周同上○宮察之

首出孫逖授許王瓘詹事○準繩

儲宋出又授程伯獻同上○儲闈

掌事端尹命官出又授王緯同上

○才標穎拔思詣精微出蘇頲授

沈佺期同上○亞彼儲端出又授

裴君士同上○昇降銅樓輔弼王

裕必求時望以隆國本○張良以

二傑之才始傳諸后史丹資八舍

之重方護春宮出李嶠授王方慶

左庶子○公直有檢清芳無欲自

然禮儀飾以文雅臺閣許其精練

搢紳推其望實出蘇頲授韋抗同

上○雅才明達和氣清深致遠之

資文而飾吏徐雅之用剛且近仁

麗藻列於近侍典謨訓誥多所潤

色較然素節鬱有盛名出常衮授

張謂同上○每制度未決質文或

差常亦處正大議冠諸宗室出又

授李虞同上○措心和暢泣事清

審出蘇頲授魏愨太子司議郎○

宜審諭於承華出又授楊楨太子

右論德○沈密有才清方不競出

又授蕭嵩太子舍人○九牧之重

錢在系光

小三百五十三字

列為州伯四方之則求於京尹出
 又授蕭璿京兆○議刑必中敷教
 亦寬○大江之外封畧曠遠用達
 夏勤之旨屬於親重之臣授以藩
 符建茲戎旆仍委廉課俾揚風聲
 夫潔其流者清其源正其末者端
 其本奉爾所守敬無廢命出又授
 珞嗣恭洪州觀察使○綱理郡縣
 大明黜陟安人之寄歷選惟難必
 二千石職連者處之朗然明觀以
 訓天下○崔灌常守江潭有清靜
 簡易之化勤儉約已精誠感物小
 大之政必窮本於人情參以事典
 出言而信出令而從獄訟衰止流

庸還定息貪官之豪奪懲大姓之
 雄強歲無札瘥俗致康義及豐陽
 移鎮一其教理故郡黎庶靡然隨
 之望風欣然如得父母可謂明恕
 慈惠吏人之師也況本之以經術
 濟之以忠敬更於臺閣練達朝章
 而識畧沈達可以專方面之任自
 湘之東制以連率委之監郡兼亦
 訓戎彼都之人夙所愛慕參領中
 憲以綏一方出常袞授崔灌湖南
 察使○清靜少欲以臨其人禮讓
 之風行於東國○震澤之北三吳
 之會有鹽井銅山有豪家大賈利
 之所聚姦之所生資於大才濟我

續在宋紀
 卷一百五十五字

難理出又授李栖筠浙西觀察○

古者利薄四海咸建五長所以考

察風俗懋宣理化○自十連分寄

九江作牧或是方隅不渝操履停

車決訟閉閣生風明示升黜蠲除

疾苦清靜而百城自化講藝而三

軍知禮定其賦稅之差勤於轉輸

之役事必條理人皆便安又加

魏少遊刑書○古以五長入使考

察風俗章善瘴惡時而颶之則監

郡廉廉其理也○智謀濬發才識

精辨作我垣翰保于幽燕講求刑

理以參軍政敦洽敬遜以和人

正其條綱郡務大舉東罷渡遼之

警比清戴斗之氣疆吏緩帶戎車

稅鞅典從事簡方面以寧厥賦惟

錯實於天府選勞則大銘在旂常

出常袞加朱希彩幽州觀察○朕

以制河之左抵于海隅全越奧區

延袤千里宜得良帥俾之澄清出

白居易授丁公著浙東觀察○江

西十郡列邑數十士沃人庶今之

奧區財賦孔殷國用所繫茲為重

寄宜付長才出又授裴堪江西觀

察○西界制河東奄左海機杼耕

稼提封七州其間繭稅魚鹽衣食

半天下不有可伏豈宜委之出杜

牧授李訥浙東觀察兼御史大夫

小三百五十六字

○鍾陵奧區楚澤全壤控帶七郡
 襟連五湖人推征賦之饒俗擅魚
 鹽之利靜則易理動則難安思得
 良能以臻富庶出崔嘏授紇干衆
 江西觀察○地連五嶺川東三江
 直千里之奧區雜夷風之阜壤靜
 則可理動則難安思得長才以綏
 裔俗出又授鄭亞桂府觀察○荆
 州上游襄陽衝要北據漢沔利盡
 南海連綴吳蜀非才勿居出賈至
 授竇紹山南東道防禦使○成允
 成功者才也確乎不拔者節也惟
 才與節可以戡禍亂定邦家○忠
 肅懿文仁而能武歷危難之際見

貞固之誠○江漢賴寧出賈至授
 魯冕襄陽防禦○重席有戴馮之
 名通經得陳邵之美出李虞仲授
 高重同州刺史兼防禦○能知軍
 誌雅有戎容出薛廷珪授馮繼文
 河西防禦○荆吳邊之帶口江漢
 朝宗之會尚有戎備難於任人外
 攘內撫文武迭用出常袞授獨孤
 同俗郢岳等州團練使○綏戎阜
 俗出元稹授蕭睦鳳州刺史

卷第四十

南郡盜作而蕭育拜河內政美而
 寇恂留爲人擇官因重而撫考於

兩漢行古道也出杜牧授實弘餘

加官依前台州刺史蘇莊鄧州刺

史○夙奉戎麾遂參文衛出李嶠

封右武威衛將軍紗吒忠義邨公

制○綜理朝經募猷揆正文武必

濟義存簡冊公忠不回誠亮終始

○逮子房休事廣德遺榮雖樂在

黃金而慶逢蒼玉出蘇頌封致仕

唐休璟宋國公○禮優八命秩比

三台出常袞授杜冕開府儀同三

司○漢置十二卿其一尚禁中之

事所以司正伯之訓奉詔奏之嚴

出又授吳承倩內侍省常侍○柔

和有稟閑雅自持○近輦見欲辭

之色攬衣懷必澣之心出錢翊內

中齊國夫人高陽郡夫人並封婕

好樂安郡夫人等並加國夫人○

詩稱鵲巢禮榮翟第出杜牧封宋

叔康河東郡夫人制

卷第四十一

岐嶷表於天姿符彩彰於神授出

王言會最冊代王為皇太子文○

禮經著元貞之德易象載重明之

義○溫文彰於日就孝友稟於天

成出人冊成王為皇太子文○建

儲貳者必賢於冢嗣固邦本者允

歲下宋兆 卷二卷 大五字

屬於元良○佩詩禮之明訓稟忠
 孝之弘規○識達刑政器含温文
 愛敬奉於君親仁德聞於兆庶○
 付爾以承祧之重勵爾以主鬯之
 勤○尊師重傅親賢遠佞出又冊
 廣陵王為皇太子文○識洞於微
 智周於物通刑政之大體備文武
 之殊能出內制冊忠王為太子○
 教深蘊瑟氣協吹銅○温文得於
 天縱孝友因於自然出內制冊遂
 王為太子○吹銅稟異辨日耀奇
 出劉禹錫擬冊皇太子文○入則
 有師出則有保出薛廷珪冊德王
 為太子○宏圖夙著美業日隆出

王言會最立秦王太子○恭儉表
 志仁孝居心○養德東宮出又立
 代王太子○温文之德合於古訓
 敬愛之風聞於天下出孫逖立忠
 王為皇太子○聰睿夙成端莊特
 秀○宜光近日之敏俾則前星之
 耀出內制立郢王為太子○殷命
 百工傅膺審象漢推三傑良屬運
 籌不有斯人執賚予弼出太平內
 制張說拜中書令○虞廷稱盛任
 於夔龍周邦以寧屬於閔散出又
 宋璟蘇頲拜相○周稱內史以司
 號令漢曰尚書是主喉舌出又張
 說拜中書令○風雲之感必生王

歲在癸卯

卷二

八

小三百五十字

攝提格

佐廊廟之任爰在柱臣出徐安貞
除裴耀卿黃門張九齡中書侍郎
同平章○周宣王思弘文武之道
則以申甫代天工漢宣帝思繼祖
宗之風則以丙魏執邦柄出王堂
遺範李吉甫拜相制○虞以為盛
猶咨五臣殷之用興亦賴三后出
張弘靖拜相○天地洪爐鼓之者
橐籥帝王大業成之者股肱故堯
舜垂衣禹湯恭己弘道任德惟予
輔臣則八表清寧萬邦咸又故伊
尹之舉臯陶之升庶績其疑不仁
者遠○青宮齒學導我典墳儀刑
式孚蘭蒞馨茂○訐謨密聞獻替

潛達外順明德中探至言温恭聿
脩終始一貫出李逢吉門下侍郎
同平章○雲因龍興龍非雲無以
施膏澤臣由君用君非臣無以播
皇猷信乎際會相須以康天下永
念良弼常切寤思詳求國楨乃獲
時傑出王堂遺範除鄭朗工書同
平章○宣明大號佐佑不圖○代
秉廉清天資貞白○舍和抱公居
易求已○動有直氣居無流心○
平章庶事屢入三臺遠猷是經中
立不倚玄成之慶靈斯集山甫之
恭勤日聞出韋貫之授中書侍郎
平章○天地至大任四時以成功

歲在癸卯

卷之三

小三百五十字

元首雖尊託三台而佐理出劉禹
錫門下侍郎同平章○今百度伊
始四時載張論駁是非不可不
審宣揚憲令不可不明出陸贄
授盧翰劉從一門下中書侍郎平
章○昔在堯舜聰明文思尚賴良
臣實相以濟出白居易授李絳平
章事○脩詞每掇其菁英所尚者
風格發言必探於旨要所貴者變
通○掌文翰苑列籍金門出入五
年恭勤一致出杜元穎授段文昌
中書侍郎平章○金聲含正始之
和玉立在風塵之表出沈詢授崔
鉉魏扶拜相○氣包元精識邁前

哲○烈火方熾珪璋更寒飛霜已
嚴竹栢猶翠出崔嶼崔龜從拜相
○天不能獨運任寒暑而成歲功
君所以稱尊仗股肱而熙帝載出
沈詢魏謩拜相

卷第四十二

受我旌鉞輯寧區夏典器銘勳高
視前古出賈至郭子儀兵馬副元
帥制○周以元老監方伯漢以丞
相撫四夷○文以經邦德以鎮俗
孝友忠信人之模表禮樂刑政朝
之訓式出常袞李抱玉河西等道

副元帥○周之元老以分陝為重
 漢之丞相以憂邊見稱故方嶽常
 寧疆場不聳安人保大政理之端
 今所以重煩上台作鎮西土○朕
 以汧隴近郊扶風右地川阜連亘
 抵於回中限界諸夷藩屏王室所
 屬誠重付之元臣兼二將之甲兵
 崇十連之統帥宣威耀德罷警息
 人俾予仰成時乃不烈出陸贄授
 李盛鳳翔隴右節度兼涇原副元
 帥○爰咨輔臣以董戎寄出又授
 馬燧渾瑊副帥○聿求左輔命掌
 元戎必藉文武之才用經軍國之
 務濱海之右自河而南王旅攸同

戎車殷會監于方伯之國利用建
 侯之師天將息人予有禦侮鎮漢
 沔淮淝之地統齊梁宋鄭之軍總
 制高牙紀綱羣帥弘七伐四征之
 策成一匡九合之功式遏外虞底
 綏多難出常袞授王縉侍中兼河
 南都統○論道經邦允歸碩望建
 牙統衆必藉雄才中外具瞻安危
 注意今以二柄委之元臣出陸贄
 授劉洽檢校司空諸道兵馬都統
 制○閻闔風至太白星高謀帥護
 邊國之大計某忠貞勤儉以為質
 惠和智勇以為用一代名將三朝
 信臣朕以西邊列鎮三四若有總

統則易成功思得良帥有威名者
 并護諸將歲一巡邊乘秋順令揚
 其威武則南牧之馬引弓之人知
 我有備不戰而去誰可任者無如
 希朝以爾有朔方之勞有振武之
 效功在疆場名聞羌戎惟實與聲
 皆副是選今拜爾為大將尊爾為
 司徒節制進退一今詔稟倚望如
 右可不慎歟出白居易授范希朝
 京西都統○夫以區區秦伯而猶
 念晉國曰其君是惡其人何罪況
 朕均養億兆為之君親燕人冀人
 皆吾乳哺而育之者安忍以豺狼
 驅脅之故絕其飛走盡致網羅止

行犯令之誅是用開其一面○昔
 者區域之中蜂蟻巢聚蔡有逆孽
 齊有狡童厥初圖征疑議滿野不
 懼不惑挺然披攘苟無司南允罔
 能濟佑我憲考為唐神宗實賴股
 肱運用忠力肆朕小子蒙受景靈
 冀服於前燕平於後而撫馭失理
 盤牙復生求思弭寧中外有得國
 老尚在夫何患焉是用亟宣懇惻
 之誠就加招撫之命○以丞相布
 畫於千里之外使諸將持重於四
 封之中出元稹加裴度出鎮兩道
 招撫使○乃命相臣招懷撫諭於
 其註誤示以生門期於盡脫網羅

豈可驅之陷奔而豺狼當道荆棘
 牽衣雖欲歸於有仁厥路無由而
 至況王師壓境義勇爭先朕每抑
 其鋒鏖未忍覆其巢穴○上台居
 鎮筭畫無遺兼用威恩尚存招致
 出又加前人鎮州四面招討使○
 獨立王功忠乃善藏之府永膺天
 祐敬惟能保之軀則必慶于而家
 樂于而土戒之勿息與國無窮出
 錢翊冊太原節度守太師兼中書
 令普王制○天有星辰為之綱所
 以保乎乾健地有山嶽為之鎮所
 以定乎坤柔故王者託夾輔之臣
 資股肱之任安危所繫動靜是憑

其在周也則姬公盡心於經營其
 在漢也則絳侯竭力於匡贊惟天
 所相何伐無才厥生英賢為我柱
 石拯茲艱運樹彼洪勳欲示褒旌
 爰加徽數某三光結粹一氣融精
 合鸞鳳之正昔動諧律呂有麒麟
 之逸足迫出塵埃抱鐵石於寸心
 棲雪霜於勁節個儻恢廓深沉晏
 溫雅為王國之楨實稟生人之秀
 自岐陽振跡隴右成功騰周翰
 之間鸚立漢壇之上弓鳴霹靂劍
 躍蜿蜒指揮而川陸可迴叱咤而
 風雲立變一居右輔累復皇都殊
 庸已煥於旂常嘉誦早傳於金石

一昨妖興肘腋釁起宮闈而能憤
 激衷腹密施籌畫致禁軍之貔武
 戮當路之豺狼安宗社於綴旒復
 乘輿於反掌人祗共慶華夏同歡
 既而仗瑞節以來歌秉相圭而展
 敬靜與之語簡而有常動協生知
 克符中道披肝露膽皆本於至誠
 言發涕零必期盡瘁感通天地激
 動人民得不嘉乃奇功申茲異渥
 表爾優崇南省統率六宗尊大四
 郊封超五等在當時而難舉非威
 膺而莫當傑立羣倫光流萬代勉
 膺朝獎亟答天休可守尚書令兼
 侍中仍封岐王出吳融授李茂貞

○位參顧問必擇正人道重威懷
 寔資良帥出太平內制受崔希逸
 左散騎常侍兼河西節度副使○
 在涅不緇凌寒益茂承家得孫吳
 之術許國慕辛李之風固已業擅
 戎韜聲滿軍府出又授烏重胤河
 陽節度○晉軍謀帥却毅常學於
 詩書漢將議功竇融實冠於名節
 出玉堂遺範授田興魏府節度○
 翼宣帝猷出納王命持綱以揆百
 度贊道以釐百工出又授韓弘宣
 武軍節度○精辨宣力堅明納忠
 掌軸而才謀老成運籌而知略前
 定出令狐楚授裴度彰義軍節度

歲在癸卯

卷之三

小三百五十五字

○抗疏七人之官正色三署之內
 出授裴休荆南節度○南荆舊俗
 政美劉公西陝芳陰勲傳邵伯我
 用時傑思齊昔人出授高據劔南
 節度○王褒真侍從之才徐邈擅
 文儒之譽○得營平屯田之術有
 伏波備寇之謀出授畢誠昭義節
 度○分山河之委寄出授徐商節
 度○虜無南牧漢高魏尚之功地
 伯西戎秦用孟明之力平襄舊壤
 成紀雄軍控壓外夷保障中夏請
 兵出塞非幢節無以取威謀帥因
 時非才傑不足授任○家傳淮水
 之靈神授圮橋之略出授王安實

天雄節度○控地數千帶甲逾萬
 非威能肅物勇可貞師則何以備
 天子之爪牙建上將之旗鼓出又
 授温璋王式節度○淮海奧區一
 方都會兼水漕陸輓之利有澤漁
 山伐之饒俗具五方地綿千里聿
 求良牧豈易其才出陸贄授杜亞
 淮南節度○分命使臣統臨方嶽
 出又授唐朝臣振武節度○將星
 明則英豪用靈旗指則妖祲銷勁
 草可以受疾風盤根然後見利器
 苟非處劇何以用長蘊孟賁之
 勇不以力聞避廉頗之強使之心
 服出元稹授劉懷幽州節度○潢

池驟變則龔遂亟行河內去思而
 寇恂來復所以順人情而急時病
 也出又授劉悟昭義節度○處馭
 南海仁聲甚遙出又授馬總天平
 軍節度○幼為兒戲營壘已成長
 學神樞風雲暗曉出又授牛元翼
 冀州節度○金湯中夏出白居易
 授閻巨源邠寧節度○受天地疑
 粹之氣得山川崇深之靈出李紳
 授韓弘河中節度○臨事有斷龍
 泉挺霜雪之鋒處身無瑕大王蘊
 雲虹之氣○鎮峴山之城池撫襄
 陽之耆舊羊叔子以寬厚弘其化
 杜征南以文雅播其猷出將防授

柳公綽襄州節度○秦築城以備
 虜未若選將為長城漢設策以禦
 戎吾知得人為上策出將紳授田
 牟靈州節度○周禮將軍以六官
 參選漢廷邦郡俾九卿迭處出入
 中外發揮聲跡選用之重古今所
 難出沈珣授紘于眾嶺南節度○
 挺翁歸文武之能繼叔度循良之
 美出又授康季榮徐州節度○漢
 制郡守有善政者增秩賜金周官
 諸侯有升名者加地進律前代令
 典我將因之出又授李景讓襄州
 節度○蘊賢人之大業蹈君子之
 中庸進取不爭於險夷操尚無移

於風雨○北虜熾周南仲有往城
 之績西羌擾漢營平陳保勝之方
 出沈珣授盧鈞太原節度○明典
 刑以謹侯度示恩信以洽戎心出
 又授李業節度○太公經武首述
 文韜春秋謀帥亦啓義府出又授
 華誠邠寧節度○廉頗雖老尚請
 臨戎李牧居邊未嘗生事遐觀前
 軌勉嗣徽猷出又授李彥佐鄜坊
 節度○去病辭第誓彰鍾鼎之勳
 王翦請田非為子孫之計出陸扈
 授朱崇節河陽節度○吳隱之昔
 號清廉英聲未泯馬伏波嘗推功
 業厥跡猶存出又授陳珮廣州節

度○侯伯之崇列於藩翰旌鉞之
 寄屬在忠勞學奧六韜術深三志
 得子王理兵之要有少卿養士之

心出鄭璘授安及權安南節度○
 分山西之秀氣將稟威稜讀圯上

之編書洞知韜略名齊飛將績茂
 冠軍出又授錢瑛潤州節度○十

國為連萬夫是長兼文武之寄居
 方嶽之重出盧說授李思敬湖南

節度○孔明八陣列在胷中呂望
 六韜懸於掌內○委之玉節寵以

牙璋出又授王行審鄜州節度○
 精求臺閣歷選摺紳常舉百寮之
 要以先六刺之重出制集勅朝集

使人

卷第四十三

軒轅不能止蚩尤之患帝舜不能
 無有苗之征出賈至遣巡檢使敕
 ○夙傳金匱之符久總牙璋之律
 出常袞臧希讓使朔方制○既焚
 老上之庭盡剪名王之族匈奴見
 短嘉婁敬之善壽馬邑設畫戒王
 恢之兵首出李德裕授劉沔招撫
 回鶻制○齊五緯而平泰階應三
 神而登日觀出制集神龍開創制
 ○付朕天下願神保和至道光於

唐虞至仁合於天地虔述休德祇
 獻鴻名出編制永貞元年答宰臣
 請上尊號○朕方以臯夔之務委
 卿卿宜以堯舜之事教我出元稹
 長慶元年批宰臣尊號表○朕以
 正月元日祇見于九廟對越于上
 玄千官在前萬乘在後覩聲明文
 物之盛望城社宮闕之尊尚念高
 祖太宗艱難於經營德宗憲考殷
 勤於丕績復懼不克負荷以羞前
 人寅畏嚴恭式冀無過而燕趙底
 定戎獯和寧實惟列聖之休安敢
 自大其意左右輔弼庶尹師長猥
 以鴻名願加薄德三詔執事抑而

義在柔兆
 卷第四十三
 九百四十四字

不行物議逾堅予衷未信四陳章
 表備引古今出又批第四表○宰
 元化者曲成於物法天道者從欲
 於人出白居易於物法天道者從欲
 ○朕烈祖太宗以古為鏡用輔明
 聖實致理平垂作孫謀每懼乎失
 墜取為殷鑒遂飾以丹青至若明
 君直臣前言往事森然在目如見
 其人論列是非既庶幾為座隅之
 戒發揮獻納亦足以開臣下之心
 出又批嚴綬賀御撰屏風表○高
 祖太宗之法令具存德宗憲宗之
 舊老猶在出元稹批王播謝官表
 ○朔風既至霰雪已零出李德裕

賜太和公主書○九流七略題目
 何施之聖莫能去兵陶唐五帝之
 三皇猶振旅出張九齡運籌決勝
 聰時猶振旅出張九齡運籌決勝
 策○白露涼秋出薛稷對策○五
 臣光就曰之朝八凱翊薰風之代
 陰陽由其變理百姓用以平康出
 房晉策○九臯有聞天之譽出皇
 甫瓊策○願陛下詳視典謩舜禹
 所以待夔契者何如哉殷之成湯
 周之文武所以臣伊呂周召者何
 如哉貞觀所以任房杜者何如哉
 開元所以任姚宋者何如哉出龐
 嚴策○玄陰方窮青律肇啟霜歸

寒鴈露洗秋禾出許景休對

卷第四十四

天下元元不勝慶戴出吳少微代
 張仁宣賀中宗登極表○大人繼
 明品物皆照聖人首出萬國咸寧
 出王偉代路書賀登極表○敢備
 鴻名以光帝冊出裴光庭上尊號
 表○展禮南宮奉觴比極出辛士
 諤賀冊皇后表○仁聖宅心文明
 恭已出令狐楚同○弘三王之
 教諭建萬國之元良出呂溫賀冊
 皇太子○前星位定拱宸極以昭

彰蒼震氣宣與天地而長久出劉
 禹錫同上○委寶曆於元良出
 狐楚賀皇太子知軍國○俯弘作
 解之恩式布維新之令若乃條瑕
 蕩穢雷雨之施也茂時育物天地
 之仁也薄征施力政理之源也錄
 功念舊敦勸之方也出李吉甫賀
 赦表○羣品資始萬方文明○淳
 化均於四序大德合於二儀同上
 ○參天地之大名貴聖文之崇號
 休氣宛秀彌漫雲天煙景昭華光
 融草樹○辰象曷以煥其文雷霆
 無以雄其武同上○萬歲之聲夷
 夏合聽同上○轉黃道而三象昭

歲在癸北

卷第四十四

小三百四十一

明鼓鴻鑪而二儀貞觀出王綽代
 路冀言賀改元赦表○雪滌痕累
 發生枯朽出戴叔倫賀平賊赦表
 ○朱明長養之氣出柳識為潤守
 賀赦○極天地之歡心盡帝皇之
 上事○不寤微生坐階仁壽出柳
 宗元蘇州賀赦○俱臻仁壽之鄉
 共戴乾坤之德出又代郵守賀赦
 ○聖德廣運浹于華夷天光下臨
 照波幽蟄出劉禹錫同上○湛恩
 布護盛禮豐融出令狐楚代鄭尚
 書賀冊太后赦表○與春生育出
 李商隱為京兆公賀郊赦○仰窺
 星彩稍越天常於是深軫皇情重

卷第四十五

迴宸睠省躬之懼洞感於幽明及
 物之恩畢露於華夏戒田遊則成
 湯祝網之意釋冤滯乃大禹泣辜
 之慈出又為汝南公以妖星見賀
 德音表

虞舜氏作五老出遊於河渚周武
 勃興四神來朝於洛邑出崔融為
 西京百官賀老君見○星精介社
 出楊憑同上○道冠帝先恩覃物
 表出令狐楚同上○陛下以日月
 薄蝕勞謙惕厲而灾不勝德雲為

垂陰出獨孤及賀日蝕不蝕表○
 曆象日月統和陰陽出常袞同上
 ○靈心不測協至道以升聞上帝
 無聲候休明而降祉○重光御極
 體睿凝圖始自憂勤寧羣飛於海
 外賜之仁壽拯塗地於寰中○德
 澤共二儀潛運清明與七曜齊光
 出許敬宗賀洪州慶雲見表○斟
 酌律度三神援亭毒之權鼓舞陰
 陽萬象入裁成之契○乾坤合而
 喜氣生圖籙啓而禎祥作既以發
 揮天德昭寶運之隆平且以光翼
 瑞章究靈心之終始自非上下和
 洽幽明薦成何以徵造化之神偉

合天人之符契出李嶠賀曰抱戴
 慶雲見表○天地合氣神靈布和
 出孫逖賀開元觀鑄聖容慶雲見
 表○瑞命天來符祥日至出崔融
 皇太子賀芝草表○德合天地仁
 之所及也深道貫神明孝之所寘
 也極故有玄功胎蠱靈命氤氳
 光發辰象之精金色吐陰陽之秀
 同上○陶陰陽之粹美孕造化之
 精英出柳宗元賀西內嘉藻表○
 光膺寶曆非幽贊無以享鴻名對
 越兩儀非神物何以昌丕緒○頌
 聖德之欽明通史筆之揚堯典述
 國祚之悠永倍龜策之卜周年出

上官儀為朝臣賀涼州瑞石表○
 三精孚德出李嶠同上○僊蠶曳
 靈美稼抽芒出崔融為李使君賀
 慶山表○伏見詔書以唐州節度
 使李愬生擒逆賊吳元濟獻俘文
 武百寮於興安門列班稱賀者天
 威遠被元惡就誅一方既平萬國
 咸慶伏惟睿聖文武皇帝陛下德
 超邃古道合上玄臨御以來天人
 協贊削平吳蜀掃蕩塞垣車書大
 同夷狄來貢叢爾元濟敢懷野心
 輒聚犬羊苟偷時月陛下聖謩獨
 運睿感潛通天助神兵人生勇氣
 既擒兇逆爰正刑書伏三紀之逋

誅成九衢之壯觀宗社昭告華夷
 而何城不克楚氛改色淮水安流
 漢上疲人盡沾雨露汝南遺老重
 覩升平凡在具臣孰不欣抃臣又
 辭朝列共守遐藩不獲稱慶闕庭
 陳露丹悃仰瞻宸極倍萬羣情出
 劉禹錫賀收蔡州表○拯遺氓於
 溝瀆非聖不能掃餘疹以雪霜非
 天不可日者神棄申蔡蓄為汗緒
 五十年間三后貽顧眇爾元濟繼
 為兇妖謂君命可逃以父死為利
 陛下凝茲睿筭取彼兇殘不越殷
 宗之期遂勦淮夷之命威動區宇

歲在癸卯

卷之三

大五字

道光祖宗凡在生成就

不獲率舞闕庭瞻望非

忝官藩翰不獲率舞闕庭瞻望非

徊無任踴躍屏營之至

上○天子憂邊清宵輟寐將軍出

塞白首言歸出李商隱為榮陽公

賀幽州破奚寇表○跪發珍藏肅

承瑤檢天文景鏢璧合而珠連聖

札雲迴鸞驚而鳳集出李嶠為何

舍人賀於梁王處見御書雜文表

○寵大勲於萬古盡能事於一朝

出前人為韋左相拜相表

卷第四十六

蚤侍春宮出張說讓右相表○五

入西掖七踐南宮○沉夏首西浮

水陸交湊荆門東會舳艫相接是

謂九江之府實殷三楚之郊出李

嶠為第二舅讓九江刺史○西京

置一十二列首冠金吾東漢有三

十九人多遷王鉉出前人為司禮

武卿讓官表○山林舊籍有感聖

慈出又為宗楚客讓大監表○以

臣為麟臺少監出又讓麟監

卷第四十七

韋賢致仕著在漢庭韓厥請老書

於魯史出權德輿代賈相陳乞表

一六十字

○奉宣恩旨各賜臣等竹扇及聖
贊出孫逖為宰臣謝賜表○賜臣
金石凌并方及服法出權德輿為
趙相謝賜金石凌表○全吳舊國
分闡重權煮東海以自資塹西河
而作固出顏真卿謝浙西節度使
表○禽鳥飛動不知天地之功草
木芬華空滋雨露之澤出韋元甫
謝加銀青光祿表○太常者伯夷
叔孫通之職出權德輿謝除太常
卿表

卷第四十八

致理和平躋人壽域猶懷兢業重
設箴規酌裁成立制之中求司牧
措刑之本信成康之能事蓋堯舜
之用心可以萬邦作孚千載垂範
金石不朽日月俱懸○勤萬幾於
一日二日立威德於先天後天出
崔位為李僕射賀聖製政刑箴表
○逢舜曆之邕熙遂堯人之耕鑿
乾坤含養之德尚貸光陰雨露霑
濡之恩不遺枯朽出李嶠為第五
舅謝加賜防閣品子課及全祿表
○玉散降於仙官金膏流於秘藏
出常袞謝敕書賜臘日口脂等表

詩在玉兆
卷第四十八
大五字

卷第四十九

周儲故事一日三至於寢門晉兩
 舊儀一月五朝於左閣出崔融皇
 太子請起居表○與羣臣序立紫
 宸殿下出韓愈進聖德詩表○奏
 黃鍾而歌大呂變孤竹而舞雲門
 ○司曆之官出庾信為晉陽公進
 玉律秤尺斗升表○雲母者千二
 百玉石之精也七十二氣霧之英
 出閭丘均為蜀州刺史第八息進
 雲母粉表○志尚幽古出又為僧
 履空進圖書古器表○上天垂慶
 八葉騰輝誕神聖於正陽統清明

於玄昊出于邵進畫松竹圖表○
 則星辰之度以授人時酌昊穹之
 心以為正本五行隨其用舍九有
 荷其陶鈞出王虔休脩進繼天誕
 聖樂表○尊師四學雖有謝於温
 文問豎三朝竊無違於視膳出崔
 融皇太子食表

卷第五十

探至道於邦家之先揭鴻猷於強
 名之域出孔幾賀冊尊號狀○惟
 皇建極天且弗違用爾作霖臣復
 何補出蘇頲賀雨○元日開歲東

三朝之會同受萬國之歸慶出令

狐楚元日進馬及鞭轡狀○五始

混成歲為元吉四時分理春實發

生伏惟陛下嗣帝鴻名受天成命

○稟和於天地之爐擢粹於神仙

之府出李商隱為滎陽公進賀冬

銀等狀○平野未春寒山餘雪出

于邵進打獵口味狀

卷第五十一

仁孝之德明睿之姿嶽峙泉淍金

貞玉裕出韋承慶上直言諫東宮

啓○養德音宮問安紫極出李景

伯上東宮啓○英睿天縱聖敬日

濟神筭密發雄威立斷○博采文

士旌求頌學表正九經刊考三史

則聖賢遺範粲然可觀況陛下至

聖神聰留情國體幸以問安之暇

應務之餘引進文儒詳觀古典商

略前載討論得失降溫顏開讜議

則政途理體日以增益繼業承祧

永垂德美出張說上東宮請講學

啓○含道傑出降神挺生坐籌以

弼睿謨秉鉞以行天討風雲助氣

山嶽效靈制勝於樽俎之間指蹤

於鞬緹之未綉斧旣定袞衣以歸

少百平七字

君心如魚水人望如風草一德交
暢萬方和平運神思於洪鑪納生
靈於壽域文武丕績冠于古今出
劉禹錫賀裴相啓○日月停午物
無邪陰聖賢合德人識正道出又
賀李相○窮天盡地皆為壽域之
人赤子秀眉共老止戈之代出杜
牧賀中書平澤潞啓○昭回降彩
沆瀣融精往執靈鈺正星辰之分
野令調鏤鼎猶日月之得天昔軒
后師臣成王畏相殷奉伊尹則謂
之元聖周事呂尚則命為太公此
王者之所以尊賢傑而不以為疑
也至于姬旦金滕不與燕召同列

仲尼麟史不令遊夏措詞甘盤尊
舊學之名夷吾居仲父之位此又
賢傑之所以自負其道而不以為
讓也○無補大鈞出李商隱賀相
國汝南公啓○元和以來貞元而
下閣下主文之盟餘二十年矣盜
語言於經籍○自陛下以環梁十
六州之地授閣下麾蓋鉄檠玄纛
青旌晨魚符竹信車朱左左右
府置軍司馬以下官屬刻節而總
制之出元嶺上興元權尚書啓○
江相間多有新進小生不知天下
文有宗主居易雅能為詩就中愛
驅駕文字窮極聲韻或為千言或

為五百言出又上令狐相公啓○
 季孟伊繇友朋蕭邴出李商隱為
 先輩獻集賢相公啓○人稟五行
 之秀備七情之動必有詠嘆以通
 性靈故陰慘陽舒其途不一安樂
 哀思厥源數千遠則鄘邶曹齊以
 揚領袖近則李蘇顏謝用極菁華
 ○刺詩見志各有取焉出又獻京
 兆公啓○苦心為詩本求高絕不
 務奇麗不涉習俗不今不古處於
 中間既無其才徒有其意篇成在
 紙多自焚之出杜牧獻詩啓○言
 成謨訓信比暄煥出温庭筠上蔣
 侍郎啓○雕其樸嶧陽有半死之

桐實其聲柯亭無末枯之竹○繪
 餘之魚希振鱗於吳水膳後之豕
 翻化龜於魯津出駱賓王上司列
 太常伯啓○德由天縱白星降王
 輔之精道協神交黃石授帝師之
 略出又上李少常伯啓○風情踈
 朗霜明月靜之姿氣骨端巖雪白
 冰清之槩性符神授道擅生知挫
 三端於情峯朝九流於學海出又
 上齊州張司馬啓

卷第五十二

元亮苦貧姑求彭澤戴顓多病遂
 乞海虞○族惟單賤品在下中○

攝提格 卷第五十三 小三十三字

元瑜書記不足愈風處士衣裘未嘗換雪出並駱賓王上張司馬啓
○寃烏尚思於街石出羅隱上湖
南王大夫啓○蘊稷契臯夔之事
業負卿軻遷固之文章出又上鄭
尚書○謝玄暉之理郡不廢謳吟
杜元凱之總戎何妨講誦出顧雲
上西節度○孔穎達趙弘智等非
惟碩德洪儒亦兼練達政要出張
元素上太子承乾書○銀榜銅樓
宮闈嚴秘○仁明昭著聖敬日躋
探幽洞微窮神索隱事之善惡毫
釐靡差理有危疑錙銖無爽出姚
瑛上節愍太子書○蕭曹以清靜

卷第五十三

熙帝載良平以謨明贊王業出權
德輿上外舅崔相國書○初論當
世之理要次陳情性之大端終語
道德之宗極凜雪百慮澹然葆真
一聞至論神開意警不覺虛白澄
曠浹洽四支則易直子諒又其細
也出又答左司崔員外書

下生川嶽之氣上發星辰之象其
出則摘景光吐文質風雲相召日
月爭明撫八翼而登泰階提七星
而酌元氣出李嶠上雍州高長史

卷第五十三 大五字

○成王所蘊道德也所近聖賢也
是以舉其近則周公左而召公右
伯禽魯而太公齊○太宗文皇帝
之在藩邸以至於為太子也選知
道德者十八人與之遊習即位之
後雖遊宴飲食之間若十八人者
實在其中○貞觀已還師傅之官
皆宰相兼領其餘宮僚之選亦甚
重焉周以位高恨不得為司議郎
此其驗也○元稹論教本書○素
秋方戒溽暑稍闌體中何如善保
元吉出徐陵答東海守長孺書○
尚書以雄才盛業作鎮南服紆精
誠之處答天子之寄百越又清幕

士粲然出符載寄南海王尚書○
山澤晻靄松竹參差○甘泉鹵簿
盡在清文秋風輦路悉陳華簡○
披文相質意致縱橫才壯風雲義
深淵海出徐陵與李那書○風雲
景物義盡緣情經綸憲章辭單表
奏出李那答○義黃舜禹之興伊
傅周孔之說出李諤上隋高祖革
文華書○寄制述序發幽煥然盈
耳益目弘麗博厚坦夷章明黃鍾
大王慶霄天籟竒采正聲鏗鏘照
耀真可謂作者之表出權德輿答
楊尚書○高韻孤峙詞趣淵密探
聖賢性命之際究天地否泰之理

○使百世君子知道益明守道益
堅不汲汲不戚戚從容中道斯立
言之由也出符載與劉評事○二
王之代上垂拱而無爲下不知其
帝力其道漸被於天地萬世可得
而傳也夏殷之際聖賢相遇其文
在於盛德大業又鮮可得而傳也
厥後周公遭變仲尼不當世其文
遺於冊府故可得而傳也於是作
周孔之文荀孟之文左右周孔之
文也理身理家理國理天下一日
失之敗亂至矣騷人之文發憤之
文也雅多自賢頗有彊態相如子
雲之文譎諫之文也別爲一家不

是正氣賈誼之文化成之文也鋪
陳帝王之道昭昭在目司馬遷之
文財成之文也馳騁數千載若有
餘力董仲舒劉向之文通儒之文
也發明經術究極天人其實擅美
一時流譽千載者多矣不足爲第
道焉然皆不詭其詞而詞自麗不
異其理而理自新若夫典謨訓誥
文言繫辭國風雅頌經聖人之筆
削者則又至易至直也雖大彌天
地細入無間而奇言怪語未之或
有意隨文而可見事隨意而可行
此所謂文非常文也其可文而文
之何常之有俾後之作者有所裁

準○昌黎韓愈僕識之舊矣中心
愛之不覺驚賞然意之信美才也
近或聞諸儕類云恃其絕足往往
奔放不以文立制而以文爲戲可
矣乎出裴度寄李翔○近寫得唐
書史官才薄言詞鄙淺不足以發
揚高祖太宗列聖明德使後之觀
者文彩不及周漢之書僕以爲西
漢十一帝高祖起布衣定天下豁
達大度東漢所不及其餘惟文宣
二帝爲優自惠景以下亦皆不明
於東漢明章兩帝而前漢事跡灼
然者以遷固敘述之工故學者悅
習焉足下讀范曄書陳壽三國志

王隱晉書生熟何如丘明遷固書
之溫習哉○唐有天下繼周漢而
史官敘事曾不如曄壽所爲況足
擬望丘明遷固之文哉出李翔答
皇甫湜書

會通館印正文苑英華纂要

終

每行提格

國朝文獻通考

卷一百五十六字



